

Kanton Sarajevo
Skupština Kantona Sarajevo
Ministarstvo unutrašnjih poslova KS
N/r ministar Admir Katica
Polijska uprava KS
N/r komesar Fatmir Hajdarević

Inicijativa: Uvođenje sistema elektronske naplate saobraćajnih kazni putem POS terminala, sa posebnim fokusom na strane državljane

Poštovani,

Uzimajući u obzir kontinuirani rast broja saobraćajnih prekršaja koje počinu strani državljani na području Kantona Sarajevo, te činjenicu da se naplata izrečenih kazni u velikom broju slučajeva ne izvršava, upućujem ovu inicijativu kojom predlažem uspostavu efikasnijeg sistema naplate putem POS terminala.

Prema podacima Uprave policije MUP KS, u prvih šest mjeseci 2025. godine sankcionisano je 1.828 stranih državljana, dok je u cijeloj 2024. godini taj broj iznosio 2.526. Naplata kazni u ovim slučajevima uveliko je otežana zbog tehničkih i proceduralnih ograničenja.

Kao primjer dobre prakse ističem sistem koji je uveden u Crnoj Gori, gdje su sva službena vozila saobraćajne policije opremljena POS terminalima, koji omogućavaju plaćanje kazni na licu mjesta putem bankovnih kartica – uključujući i beskontaktno plaćanje. Dodatno, POS terminali su dostupni i na graničnim prelazima, čime se stranim državljanima omogućava jednostavno izvršenje obaveza bez potrebe za odlaskom u banke ili pošte.

Predlažem da MUP KS i Uprava policije KS:

1. Pokrenu pilot-projekat opremanja vozila saobraćajne policije POS terminalima;
2. Omoguće plaćanje saobraćajnih kazni na licu mjesta putem svih vrsta platnih kartica, čime bi se izbjeglo izbjegavanje izvršenja obaveze;
3. Uspostave saradnju sa Graničnom policijom BiH s ciljem uvođenja POS terminala na granične prelaze koji su najrelevantniji za Kanton Sarajevo i strane vozače koji kroz njega prolaze;
4. Razmotre pravne, tehničke i organizacione uslove za implementaciju navedenog sistema, uključujući i eventualne izmjene pravilnika i procedura.

Sarajevo, 29.07.2025.

S poštovanjem,

Zastupnik u Skupštini Kantona Sarajevo - Redžo Lemezan SDP